

# Малин өслтиг делгрүлхмн

Элст балгъсна «Буратинск» совхозд олна малд кōдлдг улсин хург болв. КПСС-н XXI хург деер үр Н. С. Хрущевин кех докладдин тезисмүдин болн мал өскәчирин өмн тәвгддјәх төрмүдин тускар совхозин директор Н. К. Санджиев доклад кев.

Долан джилин зурагъар күүндвр кегддј йовх цагт, совхозин күүч - кōлсчнр социалистическ даалгъвр авцхав.

1965 джил күртл совхоз 65 миньгън хōбтә болхмн, тер мет бод малин өслт бас икдхмн. Эн төриг сәәнәр күүдәхин кергт малин хотиг делгрүлх кергтә. Тер учрар, эрдини-шишә, тәрмр өвс тәрлгьинг икдүлх кергтә. Өдгә цагт совхоз хоёр джилд күрх өвстә, мал дулан хаша-хаацта. Дакад болхла малиг усар теткхин кергт шатта болн артезан худгуд кегдјәнә.

Малчирин хурт 19 күн босдј үг келв, тедн үр Н. С. Хрущевин докладдин тезисмүд икәр таасдјана.

3-ч фермин ах хōбч үр Надбитов КПСС-н дарани биш XXI хургиг уктдј социалистическ даалгъвр авб.

— Би зун хōн болгънас 125 хургъ, хōн болгънас 6 килограмм

ноос авнав, — гидж үр Надбитов келв. Эн, хōбч Мутулович социалистическ дōрдәнд дуудв.

2-ч фермин бригадир үр Убушиев, эн джил саалин үкрмүд болгънас 1.572 килограмм үс саадж авсн болхла, 1959-ч джил саалин үкр болгънас 2.300 килограмм үс саадж авч даалгъвр авчәнавдн, — гидж келв.

Фермд кōдлдг улс үвлд күрх малин хотиг фермүр зōбгъад авчкв.

Бригадир Убушиевин келсн үгиг саальчнр Мария Ельгина, Александра Очирова дōнбнцхәв. Тедн саалин үкр болгънас 2.300 килограмм үс саадж авч чадхвдн, — гидж келцхәв.

Теднә дару хōбчнр Адеев, Одиков, Боджуев, Ниджиев болн нань чигн улс босдј үг келв, тедн мал өсклгьнд оньган өгнәвдн, хәләдјәх малан таргън-цадхлнбг үвләс авч гарнавдн, — гидж келцхәв.

Хурт орлцен улс социалистическ даалгъвр авцхав, цуг малчнр, хōбчнр, селәнә эдл-ахун специалистнр совхозан өмн нүүрт гаргъдј, республикин нег сән эдл-ахуд хүврәхәр зүткдјәнә.